


樂縣志卷之五

毘陵楊廷望纂修

典禮志上

禮儀



楊廷望曰孔子曰道之以德齊之以禮禮者政
治之大者也然邑令自田間而來初試爲士徒
知愛民之心何知有愛民之禮先王於是設爲
上任之禮焉官與民相接心與神相交神人合
而後法可行也禮莫大於賓主凡設而不倚爵



盈而不酌長幼有序俎豆有數鄉齒序而隆殺
別矣孝子以事其親貞婦以守其節老者安而
少者懷春有養而秋有食也有其教則必觀其
成科舉既設鄉會禮行大典昭矣若夫冠婚有
禮喪祭有禮而越禮者有禁焉其燕見時會繁
文編節弔喪問疾皆可舉而行也若鄉約若朔
望若聖節若詔令及日月薄蝕立春雪旱演
之制先聖王之所以使民敬時日畏法令者政
也而禮行乎其間矣志禮儀

新官到任儀

新官受職赴任者未到城一舍二三十里而止
先令人報知禮房吏告示官屬及父老人等相
率出城來會令灑掃合祀神祇祠宇備牲醴祭
儀以候謁告比至城外齋宿三日第四日清晨
父老人等導引入城遍詣諸神祠如儀致祭其
祝文曰維某年月日某官奉

命來官務專人事主典神祭今者謁神特與神誓神
率幽冥陰陽表裏予有政事未備希神默助使

我政興務舉以安黎民予備息政奸貪陷害僚
屬凌虐下民神其降殃謹以牲醴致祭神其鑒
之尚享一祭神之禮新官到任之日詣神廟祭
祀禮房先備牲酒等物陳設禮生父老人等導
引新官同僚屬官吏詣廟贊禮唱排班班齊鞠
躬拜興拜興平身贊唱行初獻禮引贊引新官
詣神位前贊唱跪新官跪贊唱衆官皆跪贊唱
獻爵執事者捧爵于左跪新官獻畢仍授執爵
者以爵奠于神位前贊唱讀祝執事者取祝跪

讀畢贊唱俯伏興平身贊唱行亞獻禮執事以爵酌酒奠于神位前終獻如亞獻儀畢贊唱鞠躬拜興拜興平身禮畢一新官到任之日本衙門合備儀仗皂隸前期一日出城伺候至日清晨首領官率禮房吏典迎接入城先詣神廟祭祀畢引至本衙門儀門前下馬從中道入先於月臺上望闕設香案禮生引新官至香案前行三跪九叩頭禮畢上廳公座皂隸排衙報時辰擡書案至前吏

房將公座呈押一叅見禮先從皂隸次吏典各行兩拜禮新官坐受次合屬官叅見亦行兩拜禮新官拱手答禮次首領官見行兩拜禮新官起身拱手答禮次佐貳官行兩拜禮新官出公座答禮如是佐貳官到任先受所屬首領官行禮至長官前行兩拜禮長官出公座答禮畢諭僚屬曰

朝廷設官置吏欲其敬神恤民親賢遠奸興利除害某不敏忝茲重任尚賴一二僚屬及邑中長者

匡其不逮庶免後艱其四境之內利有當與
有當革者某等當其竭力爲之以安黎庶諭畢
署押公文各房吏典將該官應有已未完結事
件施行項第逐一開寫須知呈報新官署押文
書如係長官則交割印信倉庫匙鑰等件畢照
依各房報呈須知事目逐一發落署判公事畢
將所祭牲酒與官屬父老享飲而退其九年考
滿仍具牲酒率官屬父老人等辭廟致祭就以
祭物出郊饌別而去其祝文及所諭之言禮生

代說亦可又例府州縣新官到任於本處城隍廟會請應祀諸神用猪羊二牲總祀

庶人常見禮儀

凡民間子孫弟姪甥壻見尊長生徒見師範奴婢見家長久別行四拜禮尋常近別行揖禮其餘親戚長幼照依等第久別行兩拜禮尋常近別行揖禮平交同

一例凡鄉黨敘齒民間士農工商人等平居相

見及歲時宴會揖拜之禮幼者先施坐次之

長者居上如佃戶見田主不論齒序並行以小
事長之禮若親屬不拘主佃止行親屬禮
舊例致仕官居鄉惟於宗族序尊卑如家人禮
於其外祖及妻家亦序尊卑如筵宴則設別席
不許坐於無官之下如與同致仕官會則序爵
爵同則序齒其與異姓無官者相見不須答禮
庶民則以官禮謁見敢有凌侮者論如律

鄉飲酒禮

鄉飲酒禮敘長幼論賢良別奸頑異罪人其坐

席間高年有德者居於上高年淳篤者並之以
次序齒而列其有曾違條犯法之人列於外坐
同類者成席不許干於善良之席主者若不分
別致使貴賤混淆察知或坐中人發覺罪以違
制奸頑不由其主紊亂正席全家移出化外
每歲正月十五日十月初一日於儒學行鄉飲
酒禮酒穀於官錢約量支辦務要豐儉得宜除
饌賓外衆賓序齒列坐其餘屬則序爵前一日
執事者於儒學之講堂依圖陳設坐次司正率

執事習禮至日黎明執事者宰牲具饌主席及僚屬司正先詣學遣人速饌賓以下比至執事者先報曰賓至主席率僚屬出迎於庠門之外以入主居東賓居西三讓三揖而後升堂東西相向立贊兩拜賓坐執事又報曰饌至主席又率僚屬出迎揖讓升堂拜坐如前儀饌賓介至既就位執事者唱司正揚觶執事者引司正由西階升詣堂中北面立執事者唱饌賓以下皆立唱揖司正揖饌賓以下皆報揖執事者以觶

酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我
長幼各相勸勉爲臣盡忠爲子盡孝長幼有序
兄友弟恭內睦宗族外和鄉里無或廢墜以忝
所生讀畢執事者唱司正飲酒飲畢以觶授執
事執事者唱揖司正揖僎賓以下皆報揖司正
復位僎賓以下皆坐唱讀律令執事者舉律令
案于堂之中引禮引讀律令者詣案前北向立
唱僎賓以下皆拱立行揖禮如觶儀然後讀律

令有過之人俱赴正席立聽讀畢復位執事者
唱供饌案執事者舉饌案至賓前次僎次介次
主三賓以下各以次舉訖執事者唱獻賓主席
起北面立執事斟酒以授主主受爵詣賓前置
于席稍退贊兩拜賓答拜訖執事者又斟酒以
授主主受爵詣僎前置于席交拜如前儀畢主
退復位執事者唱賓酬酒賓起僎從之執事者
斟酒授賓賓受酒詣主前置于席稍退贊兩拜
賓僎主交拜訖各就位坐執事者分左右立介

三賓衆賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱饌賓以下皆行禮僕主僚屬居東賓介三賓衆賓居西贊兩拜訖唱送賓以次下堂分東西行仍三揖出庠門而退一里社每歲春秋社祭會飲畢行鄉飲酒禮所用酒穀於一百家內供辦毋致奢靡百家內除乞丐外其餘但係年老者雖至貧亦須土坐少者雖至富必序齒下坐不許攙越導

者以違制論其有過犯之人雖年長財富須坐
於末第末聽讀律受戒論供飲酒畢同退不
許在衆賓上坐如有過犯之人不行赴飲及強
坐衆賓之上者卽係頑民主席及諸人首告遷
徙邊遠住坐其主席者及衆賓推讓有犯人在
上坐同罪其各里社以百家爲一會百家之內
以里長主席其餘百人選年最高有德人所推
服者一人爲賓其次一人爲介其餘各依年齒
序坐如有鄉人爲官致仕者上席請以爲俱擇

通文學者一人爲揚解一人爲讀律二人爲贊
禮前期一日主詣賓門介賓出迎大門之外肅
主以入至中堂主賓相揖訖主稍前曰某日行
鄉飲酒禮吾子年高德邵敢請爲賓曰某固陋
恐辱命敢辭主曰詢諸衆莫若吾子賢敢固請
賓曰夫子申命之某不敢辭主再拜賓答拜介
亦如之但改請吾子爲介執事者設賓席於堂
中稍西南向設主席於堂東南西向賓六十以
上者席於堂中上兩序東西相向如賓多年如

者席於堂下阼階之南北面西上是日清晨賓
及衆賓皆至門外主出迎西向揖賓東向答揖
主先入門而右賓入門而左至階主揖賓賓揖
主主先陞自東階賓陞自西階至中堂主西向
立賓東向立贊禮唱拜興二主賓皆兩拜主肅
賓各就位贊禮唱揚觶者舉觶酌酒詣中堂北
向立贊禮唱在坐皆起賓主以下皆起拱立揚
觶者迺揚觶而揚言曰同前言畢唱揖揚觶者
揖主賓以下皆揖揚觶遂飲酒訖復揖主賓以